


YĚĚSU MASIHI




WILLEME KINK

AMANG'ANA AMAHANGAARU SENKAAGHA SYONSWE IGHO

N-kë ...




Amaabhë: Waryobha nkwabhera arë abhantö nokaanyoora taaho ömöntö ono aing'arëëyi ukwabherwa. Hano ömöntö utighirë amang'ana amaghogho wisyöri, amaabhë gharatooka ko bhoora Yëësu yaaghëghirë ubhushibhu bhono twaing'arëëyi okoghegha (ekesosa ikyä 58).




Amasabhi: Ukushumaasha na Waryobha bhukiri handë bhököng'u na ukumwitegherra (ekesosa ikyä 18, 19, bheena 42).

Ëbhëbhë: Amang'ana ghano tokokora bhono Waryobha atakutuna, amang'ana ghano ghakorebherra ësëëmyö iya Waryobha kö-bhëëtö (ekesosa ikyä 4).



Epasaka: Ni-nyangi iya ukuryoka ukwa Yëësu bhono yaasëmökirë. Okosemoka ukwa inyangi iya pasaka iyö, Abhaisiraëri mbaakoranga inyangi iyö bharahtitoka bhono Waryobha yaabhatöörri bhakarwa Misiri (ekesosa ikyä 38-54).



Ibhibhuria: Mu-Bhibhuria oratora okosoma-mo kya bhono Waryobha akomaaha abhantö na bhono arë nabho.

Maraika: Omotomwa uwa Waryobha ono atakomaahékana (ekesosa ikyä 5).



Masihi: Eng'ana iya ekeghambo ikyä Ikyebhoreaania ensonga iyaamo igha, omokama, Omohakwa amaguta. Ku-Kighiriki eng'ana iyö erabherekerwa igha Kiristo (ekesosa ikyä 52-55).

Öbhöhöru ubhwa amakora ghonswe igho: Öbhöhöru ubhwëtö hamwë na Yëësu, kya bono Waryobha akutuna. Uruku nkokerwa rörë, na umuhiko teghokobhaho hë (ekesosa ikyä 23, 29-30 bheena 59).



Obhokama ubhwa Waryobha:

Obhokama ubhwa Waryobha mbörëngë ko-bhantö bhano bhakumwighwera.

Obhong'oore: Në-bhëntö ibhiya bhyonswe igho, bheno Waryobha akutuna ahaane abhantö bhano bhakokora bhono akutuna (ekesosa ikyä 10-11).

Oghosambwa: Umubhisa ono atakomaahékana uwa abhantö na Waryobha, ghwiki arabherekerwa igha Omoghogho.

Omoona uwa Waryobha: Iriina reno Yëësu akobherekerwa. Yëësu n-Waryobha ono yaishirë ko-kebharä kya ömöntö.

Omosarabha: Öghötë ghono Yëësu yaahanëkirwë-ko ko okohansha ukwaye umwene. Ghwabha ëkëmanyërryö ko-bhasoorani abha Yëësu bhonswe igho (ekesosa ikyä 25 bheena 50).

Omotomwa: Omosoorani uwa Yëësu (ekesosa ikyä 18).

Riika: Abhasoorani abha Yëësu nkuhiitoka bharë ukukwa na ukuryoka ukwaye, ko-mokaate bheena idivai (ekesosa ikyä 41).

Ukukyora: Urusikö rono Yëësu arikyora ko-kebharä kono ëbhëntö bhyonswe igho mbirisyöribhwa bhebhe ebhehya. Waryobha narisyörya ekebharä na mu-ryobha (ekesosa ikyä 57).

Ukuryoka: Yëësu yaaryökirë ukurwa mo-bhaku, urusikö rooho rono kera ömöntö ariryoka. Abhantö bhonswe igho ho bharebhotorrwa ikiina (ekesosa ikyä 53-57).

Umukumo: Ukukumya Waryobha ko-ghano akokora (ekesosa ikyä 58).

Umwika Ömöhörëëru: Umwika uwa Waryobha uyö, araikara mo-bhantö bhano bhakosoorana Yëësu (ekesosa ikyä 58).

Yëësu: Iriina irya Omoona uwa Waryobha, ensonga iyaaryo ni-igha, Waryobha nkötöorya arë.




YËËSU MASIHI N-NAWË?

Imyoka ëbhëkwë ibhibhërë ghiyö ghyaheta Yëësu yaamënyirë Isiraëri iyö. Toramobherekera igha, Masihi handë Kiristo, ensonga iyaako ni-igha Omokama. Te-mokama akobherekerwa iryene igho hë, kora nkobherekerwa arë igha Omoona uwa Waryobha na iryëndë igha Omoona uwa Ömöntö. Nko okoghamba igha Yëësu n-Waryobha ghwiki nö-möntö. Amang'ana agha öbhöhöru ubhwa Yëësu ghano ghakushumaasherwa mu-Bhibhuria, na-mang'ana marito ko-senkaagha syonswe igho.

ENKAAGHA IYA YËËSU

Ukurwa ukwebhorwa ukwa Yëësu ho tukusimiryä okobharra senkaagha isyëtö. Abhantö mbaakaghëndirë oroghendo urwa amaghörö, handë sitikërë, sengamia handë ko-sefaraasi ighörö. Enkaagha iyö Abharuumi mbo bhaatonganga ahasë ahanene aha Bhoraaya, röghörö iya ghatëghatë, bheena ghöösi iya ekebhara ikya abhamwamu (Afrika). Enkaagha iyö abhantö abhaaru tebhaamanyirë okosoma na ukwandeka hë. Kasi mu-kyaro ikya Abhaisiraëri Abhayahudi bho mbaamanyirë okosoma nkyo kyaghërë bhakabherekerwa igha abhantö abha eketabho. Waryobha nkushumaasha arë mu-Bhibhuria, we Ömöbhömbi uwa kera ëkëntö, aratuna abhe omosaani uwa kera ömöntö. Yëësu yaatwörökya ghayö harabhurabhu igho.





ISIRAĒRI ENKAAGHA IYA YĒĒSU

Umughi Omonene: Yĕrusarĕĕmu.

Emekoowa: Ghariraaya, Samaaria bheena Yudea.

Obhonene: Sĕnkĕbhĕ kya sikiromeeta 28,000.

Bhono ikyaro kĕrĕ (kya bhono kĕtĕĕmirwĕ): Hake kebhe tropiki.

Ėbhĕtĕngi: Ukurwa 63 Yĕĕsu atareebhorwa, Abhaisiraĕri bhaatongwanga na Abharuumi.

Eserekaare: Pontio Piraatĕ, Ėmĕtĕngi uwa Isiraĕri, Umuruumi ono yaatangatwanga na Omonene Kaisaari Tibhĕriĕ uwa Abharuumi.

Idiini: Bhuyahudi, ryaarĕ-yo Risengerro mu-mughi ughwa Yĕrusarĕĕmu. Abhasĕngĕri mbo abhakĕri abha emeremo ghyonswe igħo igħya idiini na Abhĕĕghya bho emeremo igħyabho no-koraghĕrya abhantĕ amang'ana agha mu-Bhibhuria.

Ebheghambo: Ikiebhurania ne-keghambo ikya Abhayahudi, Ikighiriki ekeghambo ikya ibhyaro, Ekeratiini ekeghambo ikya Abharuumi.



N-kwakë abhantö abhaaru bhasangeraini ko-mooro hano?




Mwisëëmi obhokama ubhwa Waryobha nkusha bhörë.



Musyore öbhömënyi ubhwënyu bhobhe öbhöhya.



Ikisirë ikya ubhushibhu ubhwa Waryobha kësëëmiibhwi kegheeshe imiri ighya ömötë...



Kera ömötë ghono ghotakwama sehaghö sinshiiya, ngoragheeshwe ghorekerwe mo-morro.





Kora bhëëtö bhonswe toratora okogheeshwa. N-nawë akotora okomenya bhwaheene?

Maheene, taaho ömöntö ono araatore ukwibhasha ubhushibhu ubhwa Waryobha. Kasi aaho ono araandwe nyuma, uyö naraashe asyöri amang'ana aghëënyu.




Kasi m-maheene igha nkutuna mörë musyöri amang'ana agha öbhömënyi ubhwënyu? Mbe, muushe mobhatiisibhwi mo-manshe ghano.





Ko okokora igho, bhoono moraaberwe ëbhëbhë ibhyënyu mobhe na öbhöhöru obhohya.

Kera ömöntö ko-mooro haara, nkobherekera arë omoraarëki uyö igha, Yohana omobhatiisya...

Motakaakanya igha nena ubhweru. Nkösëëmërya ndë enshera oora ariisha ukutwörökya Waryobha, Uyö we araabhabhatiisi ku Umwika uwa Waryobha na omorro ughwa Waryobha. Eng'ana engu iyö nebhasyörya këmwë.




Hano oraamare...



Na öni wonswe ni-igha uwe ombatiise.



Uwe otakora igho, hayö ho toraakore bhono Waryobha akutuna.




Taata, obhokama ubhwaho bhuushe, na reno ryonswe igho ukutuna rebhe.




Engamba ekarwera mu-ryobha igha...

Igho, nuuwe omoona uwaane, nenkohanshirë kora nköntëghëra öre.




Nku-kusimiryä ko enkaagha iyëëtö eno, ho Yohana omobhatiisya yaasëëmëri Abhaisiraëri igha Masihi ariisha. Ko enkaagha iyö Isiraëri n-katabhë aka obhokama ubhwa Abharoma kaarë.



Abhayahudi mu-kyaro ikya Abhaisiraëri, mbahukibhwa hukibhwanga-mo. Abhantö bharaíteng'era bhököngu enkaagha eno Masihi akaishirë. Masihi uyö narekora obhoheene ubhwa Waryobha.

Yohana omobhatiisya arasömösyä Yëësu na ikyara ko-mooro ughwa Yorodani haara, na eno araghamba igha.


Tamaaha, Omoona Ring'öndi uwa Waryobha, uyö we akwabhera abhantö ëbhëbhë ibhyabho.



Hano Yëësu yaamarrë okobhatiisibh wa igho, Umwika uwa Waryobha akamotangata ukughya muriköngö.



Akabha iyö ubhulikö na omobhasö sinsikö merongo ene, atakorya kora ukunywa kyokyonswë igho. Ko bhoora yaasaasaamanga eno aiasirë ibhyakorya, okore amanye emeremo ighyaye bhuuya igho.



Nyoore Yëësu nkutuna arë igha akore amang'ana bhuuya, ni-igha akore ekebhara kemanye bhono Waryobha akutuna. Waryobha nkutuna arë igha abhantö bhatakoobhoha ikyöbhöhërryö ikya uruku.

Yëësu arashaashwa na Oghosambwa ghono ghotakomaahwa öghötöngi ughwa ikisuntë ghono ghokobhaaha ekebhara kyonswe igho okohetera uruku na obhoghogho.



Taata, nendakore kyokyonswë keno ukutuna.



Kasi Oghosambwa, ughubhisa ughwa Yëesu ghoora, ghorashaasha ököng'ënërrya Yëesu igha, atakaakora emeremo ighya Waryobha.

Nyoore m-boheene igha m-Moona uwa Waryobha örë, syörya amaghena ghano ghabhe emekaate.


Aa, a, mo-Mandeko amahörëëru yaandëkirwë igha, "Öbhöhöru ubhwa ömöntö tokoraaghera emekaate ukwene igho hë, kasi ekenene n-hano ömöntö yaanyoora Amang'ana agha Waryobha."




Nyoore uwe m-Moona uwa Waryobha örë, irekera hansë kurwa ko-rosara urwa risengero. Kasi tiyandëkirwë igha, abhamaraika mbarakogheghe mo-mabhoko aghaabho?

Maaha, nendakohaane ubhweru ku-kyaro kyonswe igho, hano oraanyihighamere onsaasaame.

Hano ghayo ghaahöyë, Oghosambwa ghokatika Yëesu ko enkaagha iyö. Abhamaraika bhakaasha ukumutighinkanera.



Kora ghwiki yaandëkirwë igha, "Otakaashaasha Waryobha."




Taru-ho ghore Ghosambwa! Yaandëkirwë igha, "Ni-igha tosengerenga na ukutighinkanera Waryobha umwene igho."






Yëesu aishöyë Umwika Ömöhörëëru hano yaakyoranga mo-mokowa ghono ughwa Ghariraaya, muyö mo Yëesu yaakënëyë. Omokowa ghuyö, ghwarënga na abhantö abhaaru. Ghwarënga orobhareka urwa ghöösi iya Isiraëri. Hano Yëesu yaakoranga oroghendo, abhantö m-baaru bheemokeranga-ko bhaghootana nawe. Bhaibhöryanga igha okaanyoora Yëesu we Masihi ono amang'ana aghaaye ghaandekwa na abharöoti.



Inyangi iya ubhwenga mu-mughi ughwa Kana ghono ghorëngë mo-bhekereghe ibhya Ghariraaya...



Yëësu bhaana nyakuwaabho, hamwë na abhasaani abhaaye abhandë, bhonswe mu-nyangi iyö bhaarë.




Kasi hano inyangi yaahengekaini....

Enshera etaakötëebhya ömoghëndi, idivai ekahwa shwe.

Kyokyonswe igho keno Yëesu araabhatëebhi, mokore.

Motoore amanshë mu-sinyöngö siyö syeshore shabhi, hano moraamare, moghatahe, mohaane omonene uwa inyangi aghaighwe bhono ghabhaayë.



Ghano te-manshë hë, eno ni-divai inshiiya bhököng'u.

Ghiwönshi wighwe. Mbe, uwe inyangi eraraarooka ho okoreeta idivai inshiiya.




Tenakarööshë inyangi iya ubhwenga kya eno hë. Ribhagha tenakarööshë hë igha, amanshë gharasyöribhwa ghabha idivai inshiiya bhököng'u.

Ghiyö ngyo ghyaarë emeremo ighya Yëesu uwa Nazarëeti.

Kana ömöntö ono, n-nawë?


Kaperenaumu nu-mughi ughwa abhatëghi, ngohaghaashirwë mbareka iya inyansha iya Ghariraaya. Hayö ho Yëesu yaararëkéëyë amang'ana agha obhokama ubhwa Waryobha urwa mbere.



Hano ho yaashaghoranga abheegha abhaaye abha mbere.




Peetero, ghobha ubhwato ukughya bhuribha moteghe-yo emetego.




Omonene, twakörrë omotono ughwa okotegha ubhutiko bhwonswe igho, kasi titunyöörë ekëntö hä.



Kasi ko bhono oghambirë igho ...



Mbe! Mbe! Ndöghöörë. Kora temanyirë hä.



Yaakobho,
Yohana,
motaasha,
ribhagha
twategha,
tetwakaitirë
sinswë sinsharu
kya senò hë.




Omonene karwe ku-öni hano. Öni
m-möntö uwa ëbhëbhë ndë.


Otakoobhoha.



Monsoorane okore mbakore
mobhe abhatëghi abha abhantö.



Monsoorane.




Yëesu aratarra Ghariraaya kyonswe igho. Yaatarëyë-yo hamwë na abheegha abhaaye. Arëeghya abhantö bhonswe igho amang'ana agha Obhokama ubhwa Waryobha. Arahwënia amaröyë agha seteemo syonswe igho, na ukwata amasambwa. Abhantö bhararoghoora bhareemokerako okomosoorana. Abhandë bhararwera mo-mekowa ighyëndë igho abhandë Yërusarëemu umughi omonene ughwa Isiraëri. Bharaitegherra bhuyya amang'ana ghonswe igho ghano akoghamba.




Nyakara abhatöbhu, ko bhoora Obhokama ubhwa mu-ryobha nu-bhwabho.


Nyakara bhano bhaana umweco, ko bhoora mbarighötibhwa.




Nyakara abhabhabhayëru, ko bhoora mbarërorësihbwa.




Nyakara bhënyu hano mwareghwa na abhantö okoghera iya öni. Mushomerwenga na ukukirirrya ko bhoora ituho iyënyu mu-ryobha ne-nene.




Mokorrena abhantö kya bhono mukutuna igha bhabhakorrena.




Mohanshenga abhabhisa abhënyu na okobhasabhera.



Mokorenga amang'ana amaiya mwishaabhirë, motakaitanshëryanga mo-bhantö.



Ömöntö ono akomaaha omokari amwighomba, nkunyoora amarrë okokora nawe amaigha mo-nkoro iyaaye.



Iriiso ndyo ëkëmörë ikya ömöbhërë, hano oraanyoore iriiso iryaho ni-höru, ömöbhërë ughwaho ghonswe igho mo-bhorabhu ghokobha. Kasi hano waanyoora igha ni-sarëku, mukisuntë okobha.



Taaho ömöntö ono araatore ukutighinkanera abhanene abhabhërë, ukutighinkanera Waryobha na ëbhëntö.



Motakaaghania igha, isho iyakë bhorekya. Tangata mutune obhokama ubhwa Waryobha, bhoono aghandë ghayö ngaraarobhere-ko.




Mokore ghayö nkobhatëëbhya ho moraatuubhane na ömöntö ono akohaghaasha inyumba iyaaye ku-ritare. Hano motakore ghayö moraatuubhane na ömöntö ono okohaghaasha inyumba iyaaye ko-mosense.



Urusikö rëndë, amakomo agha abhantö ghaibhaghaghanianga mu-nyumba eno Yëesu yaare-mo, mu-mughi ughwa Kaperenaumu...

Muyö tetokotora okosoha-mo hë.



Ni-igha tömöhëti ko-rosara urwa inyumba na righodoro iryaye.




N-kë kërëngë kighörö kuyö?

Mobhatighe, abhasaani bhayö umukumo ughwabho m-monene.



Wabhëyüwë ëbhëbhë ibhyaho.




Hai aruusiri ubhwerä ubhwa okoghamba ghayö?

Nkushabhura arë Waryobha.

Waryobha umwene igho we akotora ukuruusirya-ho ömöntö ëbhëbhë.



Eng'ana ëntöbhu bhököng'u ökötëëbhya ömöntö ono në-hë, "Wabhëyüwë ëbhëbhë ibhyaho," kasi ni-igha, "Emoka"?



Masihi naana ubhwerä ubhwa ukwabhera ömöntö ëbhëbhë ibhyaye, kora bhoono ndaghamba igha, "Ghegha righodoro iryaho otanore."



Riyö n-dikono këmwë.

Maaha araghenda!

Yëë mwë, maaha öni bhoono nkotora ndë okoghenda!

Kasi te-bhonswe igbo bhaashomerwanga na amang'ana amaiya agha Yëësu. Abhatangati abha idiini bharaitaaha Yëësu hanga akoghoota amang'ana agha urusikö urwa Obhotooro. Ko-Bhaisiraëri abhantö nkokaanibhwa bharë bhököng'u okokora emeremo urusikö urwa Obhotooro.




Ömontö ono m-möbhëëru uwa okobhoko. M-buuya okokora amang'ana amaiya urusikö urwa Obhotooro?



Rambora okobhoko ukwaho kuyö.




Mbe, nhwënrë!



Ono ni-igha tomomariisi.

Abhatangati abha Yërusarëëmu hano bhaatëëbhibhwi igba, ömontö ono arashinshighania ikyarö.


Abhantö hano bhasangeraini bhököng'u, Yëësu akatanora na abheegha abhaaye, bhakaamboka na ubhwato ku-nyansha iya Ghariraaya.











Omonene, tatötöörriya toraghwerrera!









Ndarra nkoobhoha mörë? Kasi umukumo ughwënyu m-moke?












Mmaheene nkobhatëëbhya igha,
 Omoona taakokora eng'ana yoyonswe
 igho umwene igho hë. Ne-ng'ana eera
 Suwaabho akutuna yo akokora.
 Õni uyö we yaantoma.


Yëesu yaarë na eteemo iya ukughya
 okosaasaama ahasë hano hataana
 ikituri.




Yaasaasaamirë igho ubhulikö kyö,
 hano akomara, akashaaghora
 abhatomwa abhaaye ikömi na
 bhabhërë. Akabhatoma bhabhërë
 bhabhërë. Arabhahaana ubhwera
 ubhwa ukwata amasambwa na ubhwa
 ukuhwënia abharööyë.




Peetero na Andrea bhano,
 m-möntö na mura uwaabho...




Yaakobho na Yohana bhonswe
 m-möntö na mura waabho bhaarë...



Firipö na Natanaeri...




Toomasi, na Mataayo ono ekembere hayö yaarë ömoghöoti uwa righöoti ko-bhokakama ubhwa Abharuuma.



Tadaayo bhaana Yaakobho uwondë...



Simöoni na Yuuda Isikaryote.




Moghende, wowonswe igho ono araabhasërëëninga nööni asërëëneri, na ono akönsërëënia, hayö nkunyööra öre asërëëneri oora yaantoma.




Abhatomwa ikömi na bhabhëre bharakyora eno bhashömëëywë bhököng'u ko-meremo ighyabho gheera bhaatömirwë okokora. Hano ghayö ghaahöoyë, Yëesu akatuna aghi righara na abheegha abhaaye, kasi amakomo agha abhantö ghakanga okobhakorra umweya.

Ibhyakorya m-baaru bhököng'u, kasi abhaghësi m-bake. Mosaasaame Omonene mwene ömoghöndö okore areete abhantö abha okoghesa.



Yëesu araghëndërrya ghwiki okoraarekera abhantö amang'ana amaiya na ukuhwënia abharööyë. Bhoono iryobha reraghwa...


Firipö, abhantö bhang'ana hano bhonswe igho, hai bheraarwe ibhyakorya ibhya okobhaisa? Mobhahaane keno keraatooke, bharaaghere.



Abhantö bhang'ana hano nekaabha ehoorohooro iya imyëri monaane, tebhakorre ëkëntö hë.



Aahano omoona ono aana emekaate etaano na ibhiswë bhimbhërë igho. Ëkëntö ikyëndë tekeeho hë.


Mötëëbhi abhantö bhaikare sentegha isya abhantö merongo etaano etaano.



Yëesu arakumya Waryobha...

Akaghëndërrya okobhatwenania emekaate bheena sinswë seera.






Abhantö ëbhëkwë na ëbhëkwë bhararya ibhyakorya bheno Yëësu yaaruhiri...




Amaheene ni-igha ono we Masihi oora akwiteng'erwa igha ariisha.


Ntoraamokore abhe omokama uwëëtö.



Mbe, momahe igha ibhyakorya bheno, bharëyë bhitighaayë, bhiishöyë ebhekapo ikömi na bhibhërë.



Enkaagha ebhaayë abhantö bhano bhaghi waabho. Bhënyu muriine mu-bhwato ubhwënyu mwamboke humbu, öni tigha ntighare mu-nguku hano ndasaasaama.




Abhantö bharatuna igha bhakore Yëesu abhe omokama. Bharaisegha igha hano araabhatangate obhokama ubhwa Abharooma mboraaruho. Abhabhisa abha Yëesu bhonswe bharaghëndërrya ukwaruha eno bharamoghamba bhoghogho mo-bhantö sinsikö syonswe igho. Bharamösëghërrya ko-bhantö okore bhamwite.




Omonene, kana ndööhë waahika hano?

Kana, emekaate gheera naabhahaayë ngyo ghekoghera morantuna?

Motakaanyankera ibhyakorya bheno bhikughunda, kasi mutunenga ibhyakorya ibhya öbhöhöru ubhwa amakora ghonswe igho.




Nööni omokaate ughwa öbhöhöru. Ömöbhërë ughwane ngo ghoraabhe ikimwenso okoghera iya öbhöhöru ubhwa ekebhara keno.



Ömöntö ono aratora okotohaana ömöbhërë ughwaye toraaghere? Iyakë hayö?

Iyö ni-nshabhura iyeeneyeene.








Totaghya hano tukughya.

Ono nkutuna arë igha ang'aine kera ömöntö.



Kana na bhëenyu bhonswe nkutuna mörë ukughya?

Omonene, wawë toraaghi? Uwe noona amang'ana agha öbhöhöru.




Abhantö mbaarishökibhwanga ukurwa mu-mughi ughwa Yërusarëëmu bhaitwa. Mbaahanekwanga ko-mosarabha, bhuyö mbo ubhushibhu öbhörrö ubhwa Abharooma.



Kasi ömontö wowonswe igho ono akutuna abhe omosoorani uwaane ni-igha, aikaane umwene, agheghe omosarabha ughwaye, ansoorane.




Ömontö ono akutuna ökötöörä öbhöhöru ubhwaye naraabhotabhute, kasi ono akobhotabhuta ko okoghera iya öni, naraabhötööri.



Ni-igha omanyë igha, Waryobha nö-mwë igho, uwöndë taaho hë.



Eng'ana enene ni-igha ohanshe Waryobha uwaaho ko enkorö yonswe igho, na ohanshe murikyaho kya bhono wihanshire umwene.





Ko-nkaagha iyö mu-kyaro ikyä Isiraäri, bhyaare-mo
ibhishishi ibhya abhaghenge. Obhoghenge
nö-bhöröoyë obhoghogho. Abhaghenge
tebhaisoghananga na abhantö abhandë hë.




Abhaghenge hano honswe igho
bhakughya, nkusherra bharë okore
abhantö bhamanye igha, nkuusha
bharë, okore bhabhaibhashe,
bhatakaasikana nabho.

**Yangarra, abhaghenge
m-baayö bharaasha!**



Omonene Yëesu otatwabhera!






Moghende abhasängëri bhabhaitaaha.




Ni-igha tughi kö-mösängëri atwitaaha?

Bhoono hayö ho toraahwene?




?

Mbe!




Tamaaha nhwëñirë!




Tuhwëñirë!

Yëë!



Ushömëri! Waryobha nu-wa heene!



Abhantö tikömi bhano bhahwëñiibhwi? Kenda bhaara hai bhaghëyyë? N-kwakë bhataishirë ukukumya Waryobha?




Emoka wemerre. Umukumo ughwaho ghukuhwëñëri, kora ghökötöörri.

Abhatangati abha Abhayahudi
Yërusarëemu haara, bharatoma
abhashamishi mo-roghendo urwa
Yëesu okore bhaitahe ghano
araakore. Bho nkwanga bhare
bhököng'u emeremo ighyaye
imiiya ghiyö akokora.


Nkoghootana arë na abhantö abhaghogho kya
abhasooraare, abhaghöoti abha righöoti bhano
bhakutighinkanera Abharooma...

Masihi yaasha ukutuna bhano
bhaasira okore abhatöori.




Ko bhoora Yëesu akuhwënia
abharöoyë urusikö urwa Obhotooro...

Hwena!




Kora abhaana nabhahanshirë
bhököng'u...

Mutighe abhaana bhayö bhaashe
ku-öni. Obhokama ubhwa
Waryobha nu-bhwa bhano
bharëngë kya abhaana bhano.




Yëesu arabherekerwa aghi
Bhetaania ikishishi keno kërëngë
haang'ë na Yërusarëëmu.
Raazaaro m-möröoyë. Raazaaro
na abhaisëkë abhaabho
bhabhërë, Maarita bhaana
Maryamu m-basaani abharito
abha Yëesu bhaarë. Hano Yëesu
yaahikirë Bhetaania akanyoora
amang'ana igha, syahëtirë sinsikö
inye ukurwa rono Raazaaro
yaabhëëkirwë...



Omonene, singa hano waarë, mura
uwëëtö takaakurë hë.



Maarita, mura uwëënyu naraaryoke.



Yëë, nemanzirë igha nariryoka
urusikö urwa ukuryoka abhaku.



Nööni ukuryoka na öbhöhöru. Ono
akunkumya nkobha arë omöhöru.
Maarita orakumya ghayö?








Yëë, Omonene. Öni nkukumya ndë
igha, nuuwe Masihi, Omoona
uwa Waryobha, ono akuusha
ko-kebhara kono.



Hai mömöbhëëkirë?

Omonene, otaasha
omaache.





Abhatöngi abha Yërusarëemu bharabha ne-ntarëki bhököng'u ko amang'ana agha Yëesu na abhasooraani abhaaye.



Ömontö uyö arakora amakono amaru bhököng'u.


Hano toraatighe amang'ana ghayö ghaghëndërri, Abharooma mbaraatörööni.

Mbaraatemore risengerro iryëtö na ukusikya ikyaro.





Mokore obhong'aini ubhwënyu. Nyakara hano ömontö akaakwa ko okoghera iya ikyaro keno, okore ketakaasikibhwa kyonswe igho.

Kiyö nkyo keraaghëre Yëesu aitwe.





Mbe, ukurwa enkaagha iyö abhatangati abha Abhayahudi bhakabha bharatuna umweya okore igha bhatoore Yëesu mo-mabhoko agha Abharooma. Abharooma mbo bhaarenga na ubhwera bhuyö ubhwa okobhotorra abhantö ikiina ikya ukukwa.

Inyangi erakorwa Bheetaania iyö...




Maryamu!




Amaghuta ghayö agha
ikirumba ikiya na-gha
öbhöghöri obhonene.



Ngakaaghöribhwi,
abhatöbhu
bhahaanwe sehera
isya-ko.




Yuuda, tigha okomoghamba
bhoghogho nyakörö uyö. Nahakirë
ömöbhërë ughwane amaghuta agha
ikirumba ikiya aghösëemëri
ghotaraabheekwa.




Inyangi iya Epasaka n-haang'ë ërë. Amakomo agha abhantö gharakora oroghendo ukughya Yërusarëemu.



Abhatöngi mu-mughi ughwa Yërusarëemu, abhatöngi bharakora inikö iya okoghoota Yëesu. Kasi we tatöniibhwi hë, nkughya arë.






Abhantö bharamuturung'ana eno bhashömëëywë bhököng'u.



Otaasha!

Otaasha!



Ang'oorwe ono akuusha ku iriina irya Omonene.


Omokama uwa Isiraëri!




Ekebhara ikighima nkomosoorana kërë.

Iyakë tokaakora bhamurë, maaha amang'ana kya igho gharë?

Risengerro irya mu-mughi omonene ghuyö, ndyo esango enene iya okokora öbhösängëri.



Enkaagha iya inyangi iya Epasaka amaghuruki nkushinshwa gharë.



Esoro iya ring'öndi nkokorwa kërë esadaka iya ikimweso mu-risengerro okore abhantö bhabhe haang'ë na Waryobha.



Kasi, n-kimweso kë keraatore ukurusirya-ho abhantö ëbhëbhë ibhyabho?







Kö-bhööri ubhwa risengerro, abhantö bharatighinkana na ibhyashara ibhya ukuswënia seehera.



Bhakatookera igho Yëesu wonswe aratora hayö.







Inyumba iya Waryobha ni-igha ebhe iya okosaasaamera-mo, kasi bhënyu mughisyörri okobha risana irya abhasaki!



Ömöntö ono, m-möbhë, kasi abhantö nkukumya bharë kera eng'ana eno akoghamba.



Amahëene ni-igha tutune enshera eno eraamusiki.




Hano toraamunyeere inikö, toratora ukumunyoora, hayö ho bhoono toraamwite.

Twangarre, totakaasha okokora igho enkaagha iya inyangi. Titukutuna igha riihë ryebhoke enkaagha iya inyangi iya Epasaka.




N-kerengere kë moraang'aane hano ndaabhaghöoti Yëësu?

Uyö we Yuuda umwegha uwa Yëësu.




Nendabhaghöoti Yëësu.

Hano oraatöghöoti Yëësu, ntoraaakohaane amatöngörö merongo ëtatö, kiyö nkyo ekerengere ikya okoghora omotomwa.




Hano inyangi iya Epasaka yaarenga etaraasimya, Yëësu yaaraarekeranga abhantö mu-risengerro, nokaanyoora abhatangati mbaakoranga omotono ughwa okomorebherra igha atakaakora igho.




Hano omoghoroo bha ghwahikirë, urusikö ruyö urwa inyangi iya Epasaka, Yëësu na abheegha abhaaye ikömi na bhabhërë bhakasikanera mu-mughi muyö okorya inyangi.







Naighömbirë bhököng'u okosanga
na bhënyu inyangi eno iya
Epasaka, ntaraateswa.




Abhatöngi nkotonga bharë abhantö
kwa ekebandërryö, kasi bhënyu
motakaakoranga igho.






Oora akutighinkanera bhonswe igho,
uyo we araabhe omotangati uwënyu.



Öni nkobhatighinkanera ndë
kya omoghorwa.








Munhiitenge ko okokora igho.

Mogheghe omokaate
ghono ngo ömöbhërë
ughwane.




Mogheghe eekombe keno nkya
amanyinga aghaane ghano
ghareeteke ko okoghera iya bhëënyu.
Ni-igho Waryobha akokora riraghano
rehya na bhëënyu.


Ndabhahaana umughiro omohya igha,
mohanshane kya bhoora
mbahanshirë.



Hano moraahanshane, ho abhantö
bhonswe igho bharaamanye igha,
m-beegha abhaane mörë.



Omonene, ahasë honswe igho hano
oraaghi nendaakurwe nyuma.
Ndatora ukukwa ko okoghera iya
uwe.



Peetero, hano seraaraghore,
noraanyoore omarrë kunyikaana
katatö.

Enkaagha iya omoghorobha Yëesu na abheegha abhaaye bhakarishoka ukurwa mu-mughi. Kasi Yuuda tahamwë nabho hë...

Öni nkobhatigha ndë, kasi Taata narabhareetere Umwika Ömöhörëëru. Uyö naraabhe hamwë na bhëenyu arabhatöorya sinsikö syonswe igho.


Bhëenyu momanyirë enshera iya ukughya iyö nkughya.

Nööni enshera, obhoheene bheena öbhöhöru. Taaho ömöntö wowonswe igho ono araatore ukuusha ko-Taata igho atahëtëyë ku-öni.



Mwikare hano, öni tigha nsughutare mbere hake igho, nsaasaame.

Taata, nyoore eratora okobha, ndusirya-ho inyaanyi eno.


Kasi otakaakora bhono öni nkutuna, okore bhono uwe ukutuna.



N-kë kekoghera moraihiribhwa ko enkaagha ënköng'u eno? Mobhooke, nyaghaayë ng-uyö ahikirë.



Moghoote oora ndaibhaare.




Umwëghya, öghösööyi isakörö.

Yuuda, kana Masihi we ukunyeera inikö ku ukumwibhaara?



Omonene ni-igha twitane nabho?




Aa a, mutighe.



Yëësu araikërrya igha bhamoghoote. Abheegha abhaaye bharang'osa.

Yëësu arahirwa wa ömösëngëri omonene, uyö we omonene uwa abhatangati abha Abhayahudi bhonswe igho. Peetero bhaana Yohana bharamurwa nyuma.



Peetero arasoha kö-bhööri ubhwa ömösëngëri omonene.




Uwe te-hamwë mwaarë nawe?



Otatigha amakaaro ghayö, öni kora ntamanyirë ömöntö uyö hë.

Uwe murikyabho öre kasi hë?



Aa, a, ntamomanyirë.





Obhoheene heene, uwe wonswe hamwë waarë nawe. Ko bhoora uwe wonswe m-Moghariraaya öre.

Mora temanyirë kora kiyö okoghamba hë.






Këmwë
sekaragh
ora.




Mbe, rëngërrya, nawë akokotema?



Nyinkyo iyako, Yëesu akahirwa mu-kiikaro ikya abhatangati abha Abhayahudi.


Torabhöörnya igha, m-Moona uwa Waryobha öre?

Bhëënyu moghambirë. Yëë, nööni.




M-mushabhuri! Ni-igha akwe! Tigha Abharooma bhamobhotorre ikiina.

Yëesu arahirwa ku-Piraato ömötöngi uwa Ikiruumi. Abhatangati abha Abhayahudi bharasëghëryya abhantö. Bharakora ikituri na okomohanga amang'ana amaaru.



Uwe iyakë okoghamba ko-ghayö ghonswe igho bhakukushongera? Toona eng'ana hë?



N-kë ösarri?

Öni no-bhoheene naasha okoghamba.




Obhoheene në-këntö kë?



Tenkomaaha obhosarya ubhwa ömöntö ono hë. Eno ni-nyangi iya Epasaka nö-öhë nkabhatashorra. Bharaabha kasi Omokama uwa Abhayahudi?





Bharaabha!

Bharaabha!



Mbe, bhoono iyakë mukutuna nkore Yëësu?

Mohaneke!


Araikörya igha m-mokama.

Hano oraamohaaterwa, omanyè igha törëngë omosaani uwa Kaisaari hë.



Uwe orahaaterwa, kasi Yëësu aratighara.


Bharaabha aratashorwa. Ikiina ikyaye ni-kya ubhwiti ubhwa ikisiasa kyaarë.




..., 37, 38, 39!



Öni teneena isoro ko-manyinga aghaaye hë.



Bhöökëyë ore Omokama uwa Abhayahudi.



Momahe. Ömöntö ono!


Mohaneke!

Mohaneke!

Mohaneke!




Piraato aratoora esëyi igha, Yëesu aitwe. Ubhushibhu ubhwa okohaneke ko-mosarabha në-këntö ekeghogho bhököng'u kyaarë. Yëesu akaitëëkibhwa omosarabha ubhwa okomoteerera-ko. Akahëtibhwa nagho mö-sëmbëri isya Yërusarëëmu.







Ahasë aha okohaneke-ra-ho n-kebhara iya umughi. Ahasë hayö harabherekerwa igha, Ghöörighoota, ensonga iyaako ni-igha ëkëhöörë ikya omotwe.




Hano abhasirikare bharatemerra Yëesu imisumaari, ko-mabhoko na kö-maghörö.






Amang'ana agha okoraghërrya gharaandekwa ko ebheghambo bhitatö igha, "Yëësu Omokama uwa Abhayahudi," na gharamamekwa ko-mosarabha ighörö.



Yëësu araanga ukunya iryogho irya ukwita öbhörrö ubhwa ebheteme.



Abhasirikare bharatamera singibho isyaye ekekoobhwe.




Yëë. Teyaatöoryanga abhandë?


Nyoore m-Moona uwa Waryobha öre, ika ko-mosarabha kuyö.

Itöörya umwene, kora na bhëëtö bhonswe ötotööri.

Uwe tukwobhoha Waryobha kora hake hë. Bhëëtö eno yo ehoorohooro iyëëtö, kasi ono takörrë eng'ana ngogho yoyonswe igho hë.



Hano oraashe mo-bhokama ubhwaho, unhiite-ko bhabha.



Ndakötëebhya obhoheene igha, reero hamwë oraabhe na öni mu-ryobha.

Hano yaahikirë saa isansabha isya omobhasö, bhokabha ubhwira kabherë, ikisuntë kekakura.

Maryamu, nyakuwaabho Yëesu, bhaana Yohana bharamerra haang'ë na omosarabha.

Bhoono bhënyu m-möntö na nyakuwaabho.

Waryobha wëëtö, Waryobha wëëtö, ndarra untighirë?

Inyonta...ëngöötirë.

Taata, ndatoora enkorö iyaane mo-mabhoko aghaaho.

Ghahe...keraini.

Yëesu arakwa saa kenda isya omoghorobha. Umusirikare arabheta Yëesu na ritimö mo-sembaru, amaanyinga na amanshe gharaheta mo-sembaru hayö.



Amandeko Amahörëeru nkoghamba gharë igha, “Yaatangatiibhwi kya ring’öndi reno rikuhirwa ukushinshwa.”



“Yaabhëtirwë na okoghoshwa, ko okoghera iya ëbhëbhë ibhyëtö.” Kasi bhoono akuurë.




Uyö we Masihi ono yaaiteng’erwanga igha araasha? Kasi tewe hë?



Mbe, toghende tosabhe, hano bharaikërri tomobheeke.




Yusufu uwa Arimataaya na Nikodemu bharaghegha ikihundughu ikya Yëesu. Bharaketoora mo-sanda hamwë na amaghuta ghano ghakurumbasa, bhakakebheeka mo-mbeehera. Bhakatoora-ho reghena rinene ku-ribhanga irya embeehera hayö.




Hano enkaagha iya ukumuunya iya Epasaka yaahöyë, abhakari bhandë bhano bhabhabhayëyë bhököng'u, bhaghëyë ko-mbeehera haara.




Reghena rihingiirwë ukurwa ko-mbeehera.



N-kwakë muketuna ömöhöru mo-bhaku? Aryökirë. Moghende mötëëbhi abheegha abhaaye.




Hano Peetero na Yohana bhaaighuurë igho, këmwë bhakaiha ikibhuusë ukughya ko-mbeehera.







Kana n-kë kebhaayë hano?




Embeehera ni iyeene igho!





Urusikö ruyö abhasoorani abhabhërë abha Yëësu, bhaanyöörre Yëësu ko-nshera, bhakakanya igha m-möntö uwöndë igho akoheta. Bhakabha bharashumaasha nawe kya bhono Yëësu yaitirwë...

Kana bhëenyu timukukumya ghaara ghaghambirwë na Abharöoti hë? Masihi tiyaarë igha ateeswe? Ghayö ghonswe igho, ngaandekwa mo-Mandeko Amahörëëru.



Ömoghëni uyö akatanora enkaagha iya okorya akabhatigha bharöghöörë...


Ömoghëni uyö n-Yëësu yaarë!



Bhakananora këmwë ukughya ukutuna abhasoorani abhandë abha Yëësu.

Törööshë Omonene!

Maryamu bhaana Peetero bhonswe bhamörööshë!




Kamwë igho...


Mobhe na omorembe bhamurë.







Kana, timukukumya igha nööni? Momahe amabhoko na amaghörö aghaane.




Omonene na Waryobha uwaane.




Yëesu arabhooshokera abhasoorani abhaaye sinsikö merongo ene bhuyö setongoteraini. Kora akaiyörökya ko-bhantö amaghana ataano ko enkaagha ëmwë. Ekabha igha abheegha abhaaye abhandë bhaateghanga sinswë mu-nyansha iya Ghariraaya.






Kasi Peetero, m-maheene igha nonhanshirë?




Yëesu arabhöörya Peetero eng'ana iyöiyö katatö igha, "Peetero nonhanshirë?"



Yëë, Omonene uwe nomanyirë igha nenkohanshirë.

Naghya amang'öndi.




Nsoorana!

Naahaanwa ubhwerä bhonswe igho mu-ryobha na ko-kebhara. Moghende ko-kebhara kyonswe igho, mokore abhantö abha ibhyaro bhyonswe igho bhabhe abhasoorani abhaane. Mobhabhatiisinga ku-riina irya Taata na irya Omoona bheena irya Umwika Ömöhörëëru, kora mobhëëghi okoghoota amaraghërryö ghonswe igho ghano naabhëëghya.



Muhiitenga igha, öni hamwë ndë na bhëënyu sinsikö syonswe igho, okohekera enkaagha iya umuhiko.



Hano Yëesu yaamarrë ghayö igho, akarwa ko-kebhara kono, akatiira ukughya mu-ryobha. Kasi ghwiki yaaghambirë igha, arikyora okobhotorra ibhiina abhantö bhonswe igho...


Yëesu aghëeyë. Abhasoorani abhaaye bharaghanya Umwika Ömöhörëëru mu-mughi ughwa Yërusarëëmu, eno bharasaasaama. Umwika Ömöhörëëru uwa Waryobha araituuma mo-senkoro isyabho. Umwika ooraoora yaarë ku-Yëesu bhoono hamwë arë nabho. Nkobhakora arë bhabhe abhantö abhahya bhano bhakwimererra bhököng'u amang'ana agha Yëesu.

Uruku terwatörrë okonaghya Yëesu hë. Waryobha yaamukyörëëyi öbhöhöru ubhwaye. Yëesu yaabhaayë uwa mbere okosoha mu-bhuhika ubhwa Waryobha.



Abhasoorani abha Yëesu nkughya bharë hasë honswe igho ko-kebhara kono, nokaanyoora nkorebherrwa bharë bhököng'u.

Yëesu m-Moona uwa Waryobha.





Amang'ana amaiya ghayö ngaaraarëkirwë kora okohetera ko-matashandighi.

Hano yaakwërëëyë ko-mosarabha yaaghëghirë ëbhëbhë ibhyëtö kö-möbhërë ughwaye. Kiyö nkyo kekoghera twakwa ko-mang'ana agha ëbhëbhë. Kurwa bhoono igho nktora törë okomenya bhono Waryobha akutuna igha tomenye.





Reero eno abhasoorani abha Yëesu nkusikana bharenga kera ahasë ko-kebhara kono okosaasaama na okosoma Ibhiburia. Nkomonyorrana bharë omokaate na okosanga ekekombe ikya idivai ku ukuhiita ukukwa ukwa Yëesu. Bharasanga hamwë na bharikyabho, righonshe irya Waryobha reno rërëngë mo-senkoro isyabho.

Yëesu yaatöorya abhantö bhakore
bhono Waryobha akutuna.



Yëesu nakohanshirë, umukumi na
okomosengerra.



Waryobha nahanshirë ekebhara keno
ekerengere ikya okokehaanera
Omoona uwaaye umumwëmwë.
Ömöntö wowonswe igbo ono
akumukumya uyö taasire hë, kasi
naaraabhe na öbhöhöru ubhwa
amakora ghonswe igbo.

IBHIBHURIA

Amang'ana agha Yëesu mu-Bhibhuria ghakotooka. Tekeeho eketabho ikyëndë keno kyasömirwë handë keno kekosomwa bhököng'u sinsikö seno okokera Ibhibhuria. Ibhibhuria nkohombania ërë ebhetabho ibhyaru. Yaaghëghirë imyoka 1500 okohekera hano yahöyë ukwandekwa. Ukurwa Ibhibhuria ebhe ghyaheta imyoka 1900. Nkushumaashera ërë Amang'ana amaarü kya bhono Waryobha yaaihönyöyë ko-bhantö. Amang'ana agha Yëesu nköörökya gharë bhuuya igha Waryobha n-nawë.


AMANG'ANA AGHA YËËSU

Ibhibhuria nkohombania ërë, ebhetabho bhine bheno bhikushumaashera amang'ana agha Yëesu. Ebhetabho bhiyö bherabherekerwa amariina agha abhantö bhaara bhaabhyandëkirë. Abhandëki bhayö enkaagha iya Yëesu ho bhaarenga.

1. **Mataayo** - Umwegha uwa Yëesu. Yaarenga ömoghöoti uwa righöoti. Aratorahorra kya bhono Yëesu yaatighinkanëyë abhantö abha Isiraëri (Abhayahudi).

2. **Maariko** - Nu-mumura yaarë akërë, enkaagha eno Yëesu yaakoranga emeremo. Yaandëkirë amang'ana amake igho ko-makono ghano Yëesu yaarenga akörre.

3. **Ruuka** - Nö-mörëri yaarë, we umwene teyaamanyirë Yëesu hë. Yaabhörëërëyi amang'ana, igho akaandeka bhono Yëesu yaatighinkanëyë abhantö.




4. **Yohana** - Nu-mwegha uwa Yëesu yaarë. Kenene we nköörökya arë mo-bhetabho bheno yaandeka bhono eteemo iya Yëesu ërëngë. Aröörökya igha Yëesu n-Waryobha ono yaabhaayë ömöntö okore atunguri abhantö ukurwa mö-bhëbhë.

UKWEBHORWA UKWA YĚĚSU


Nyakuwaabho YĚĚsu hano yĚĚbhöyĚ
YĚĚsu tiyaarĚ aratetwa hĚ. ĚsĚĚmyö iya
Waryobha yaarĚ igħa YĚĚsu ebhorwe
na intindĚ. Rikono riyö ndyaarenga
reraarĚkirwĚ mo-bhetabho ibhya kare
kora YĚĚsu atareebhorwa. YĚĚsu
yaishirĚ kya ömöntö omoke ono ataana
ubhurito bhobhonswe igħo.
Akeebhorwa mu-riigħo ku-ritubha irya
okoraaghĚrya-ko seng'ombe, ko bhoora
umweya ughwa inyumba
ghotaatöökirĚ.

AMAKONO AGHA YĚĚSU

YĚĚsu yaakörrĚ amakono amaaaru.
Ibhibhuria eraghamba igħa, yaakörrĚ
amakono merongo ene agha ukuhwĚnia
abhantö. Ghayö yaaghakörrĚ okore öroki
singuru na righonshe irya Waryobha.
Ghwiki kya bhono Waryobha akutuna
atööri na abhakore bhashomerwe.



UKUKWA NA UKURYOKA UKWA YĚĚSU



N-kwakē YĚĚsu yaakurē?

Ikibhuno ikya ukukwa ukwaye kerashumaasherwa mu-Bhibhuria.

Nkaagha isyëndē abhantō bhonswe igho nkosaryanga tōrē Waryobha. Tomokora arerra kora abhabhayera. Obhosarya bhuyō mbo bhokobherekerwa igha ēbhēbhē. Kera ēkēbhē keratora okorebherra ömöntō okobha omosaani uwa Waryobha. Kiyō nkyo ikibhuno keno kyaghērrē YĚĚsu akaasha, akaghegha ubhushibhu ubhwētō ubhwa ukukwa. Ukurwa hano YĚĚsu yaatukwērēēye, yaatōkōrrē tobhe ghwiki abhasaani abha Waryobha. Kasi ni-igha tanga tosabhe Waryobha atwabhere obhosarya ubhwētō.

YĚĚsu yaaryōkirē ukurwa mo-bhaku. Waryobha yaamōkōrrē abhe ömöhöru.

Eng'ana iyō nkōörökya ērē igha aana obhoto okokera uruku.

Bhoono igho YĚĚsu namēnyirē hamwē na Waryoba. Kera enkaagha aratora okobha mosaani uwēētō, YĚĚsu nö-möhöru nkutuna arē igha, atötōöri tobhe ko-nshera eno ikushomera Waryobha.

AMASABHI

Nyoore nohongora ēbhēbhē ko-maghogho ghano waakora na nyoore oratuna obhe omosaani uwa Waryobha, oratora okasabha amasabhi ghano:

Waryobha uwa righonshe, nonhanshirē.

Watōmirē YĚĚsu Omoona uwaaho umumwēmwe.

Yaakuurē ko-mosarabha okoghera iya ghano ghonswe igho naasari.

Ndasabha unyabhere ko obhosarya bhono naakora, nyabhera.

Waashömya bhököng'u YĚĚsu okobha orobhaara urwane.

Kera enkaagha ndatuna mbe uwaaho.

Ndacosabha öntōöri, mbe bhono uwe ukutuna mbe.

Obhenga haang'ē na öni senkaagha syonswe igho.

Ushömēri ukwikērrya amasabhi aghaane.

Amang'ana ghano okoraghania nkoghakora örē.

YĚĚSU NA UWE

Amang'ana agha YĚĚsu ngamanyekaini bhuuya igho. YĚĚsu yaarĚ omosaani uwa abhantö abhaaru bhököng'u na nyabhoono. Ekebhara kyaisyörya, reero eno abhantö abhaaru tebhakoghendera sitikĚrĚ handĚ sefaraasi hĚ. Reero eno nkoghendera bharĚ sematoka na sendeghe. Kasi ghayö teghakogharanshora YĚĚsu hĚ. We aratora okoghenda hamwĚ na bhĚĚtö kya bhoora yaakoranga mu-kyaro ikya IsiraĚri. Takomaahékana hĚ kasi obhoheene ni-igha we ho arĚ. Nkutuna arĚ reero abhe omosaani uwaaho. Mwitagherre, oratora okomohansha.

Mbe, oratuna omanyĚ bhököng'u amang'ana agha YĚĚsu? Oratora okokora ghano:

1. Simya uwe umwene okosoma Ibhiburia.

Oratora ukusimya eketabho keno kyaandĚkirwĚ na Ruuka.

2. Simya okosabha Waryobha.

Shumaasha nawe na umwitagherre. Ukushumaasha na Waryobha ti-igha tangata omanyĚ amang'ana nyabhorebhe hĚ.

3. Shumaasha na abhandĚ amang'ana agha YĚĚsu na Ibhiburia. YĚĚsu nkutuna arĚ abheegha abhaaye bhasikanenga hamwĚ bharatorania bhököng'u ukwegha amang'ana agha YĚĚsu.

Text and illustrations: Willem de Vink.

Copyright © 1993 Stichting Wereldtaal, Houten, The Netherlands.

Published in Dutch as "Jezus Messias".

Edition in Simbiti © 2016 ISBN: 978-90-73150-44-7

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

Worldwide co-edition organized and produced by:

Wycliffe Netherlands, Postbus 150, 3970 AD Driebergen, The Netherlands

+31(343)517444, www.wycliffe.nl,

e-mail : picturebook@wycliffe.nl, Android app: google playstore (search: jmpbk)



YĚĚSU MASIHI Eno ne-ng'ana iya obhoheene iya YĚĚsu Masihi. Imyoka ěbhěkwě bhibhěrě ghyō ghyaheta YĚĚsu yaarě Isiraěri. Kera ōmōntō ono yaasikaini nawe yaarōghōrě. Taaho uwōndě ono yaakōrrě amang'ana kya ghano we yaakōrrě. Handě ono yaaghambirě kya we hě. YĚĚsu hano honswe igho yaarě yaakōrrě-ho amakono, bhano bhonwe igho yaarě hamwě nabho na bhaara bhaamwitegherranga mbaashōměġwě. Ekahekera-ho okong'entwa abhabhisa abhaaye bhaarě nawe. Soma uwe umwene bhono ghaabhayě, maaha amang'ana agha YĚĚsu bhono ghakōghěnděrrya.

Ekeghambo: Ikisimbětě

ISBN: 978-90-73150-44-7